

塞門口

諭

593

T313

諭 欽命督理粵海關稅務上駟院卿加八級紀錄五次書

粵門口委員家人口書等知悉照得本年年二月

十九日有四船一隻行抵韶關經關上



巡役向查內有一人削髮留辮有鬚頭
戴煖帽身穿袍子馬蹄貌似西洋
人形跡可疑餘人亦俱慌張當即稟

經南韶道督役拏獲西洋人蘓起
文及劉之深李立誠并搜出圖像經

本銅牌銅十字架銅人漢字番字

各書信訊據劉之深供稱係湖
北蕪城縣人前住省城西關邊羅館
已入教門朱姓屋內詢知南海縣人倪

高俊能說西洋言語邀往到澳近請西
洋人赴川傳教隨至三巴廟吧地刺家

轉請西洋人保祿剃髮及改裝更名蘓

起文催船戶鍾仁秀船到韶被獲現

有李彌厄在佛山傳教有義和號番

信一封係粵門諾膝堂鬼子帶交重

慶堂羅教主查双並開陳溥教名陳

味咳倪高俊教名倪方濟劉之深教

名劉類斯教師張夢之羅瑪蹄厄吧

地喇保祿即蘓起文船戶鍾仁秀李立
誠教名李伯多祿李彌厄李若瑟等情
查夷人私自出入并同漢人交接均干例
禁今被盤獲西洋人蘓起文擅自剃髮
改裝進入內地傳教殊屬大干法紀合行

飭知諭到該委員等遵照副後如違夷
人批照上省下舉及閑時夷人與漢人私
自交接務須留心稽查倘有前項情弊
一聞確信速即稟核辦此諭之後如
敢怠忽偷安致有踈縱及格外藉

端擾累等事一經查出或別處發覺除
將該家人書役等嚴提究辦外該委
員亦一併咨參決不寬貸毋違特諭

嘉慶二年三月初四日

